

**SOLUTIO
PROBLEMATIS A
R.P. MARINO
MERSENNO
MINIMO...**

Alphonse Antoine : de Sarasa



SOLVTIO PROBLEMATIS

A R. P. MARINO MERSENNO MINIMO

PROPOSITI.

Datis tribus quibuscumq; magnitudinibus, rationalibus
vel irrationalibus, datisque duarum ex illis Logarith-
mis, tertiæ Logarithmum Geometricè inuenire.

D V O

A proponente de hac Propositione pronuntiantur.

V N V M

Quòd forsitan longè difficiliorem quam ipsa Quadratura solu-
tionem requirat:

A L T E R V M

Quòd Quadratura Circuli à R. P. GREGORIO A S^{ro}. VINCENTIO exhibita,
abeat in illud necdum solutum Problema.

Quibus videtur indicare, solutionem Problematis de Quadraturâ Circuli, expeditam fore, si
defectus suppleatur, quem in solutione Problematis à se propositi consistere iudicauit.

A V C T O R E

P. ALFONSO ANTONIO DE SARASA SOCIETATIS IESV.



ANTVERPIÆ,
Apud IOANNEM & IACOBVM MEYRSIOS.
ANNO M. DC. XLIX.

377/1002

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

P R Æ F A T I O.

Necidi nuper in Censuram quandam, quam R.P. MARINVS MERSENNVS, libro quem de Reflexionibus Physico-mathematicis inscribit; quâ, de subtilissimo opere K.P. GREGORII A S^{to}. VINCENTIO è Societate IESV, quod nuper summâ omnium admiratione applausuque prodiit, quid sentiret, palameuulgauit. Scripto eam amicus quidam comprehensam, huc transmiserat, cum librum ipsum æquè commodè non posset: quam cum quasi temerè abiectam, & veluti neglectam fortè inspicerem, famamque interim incomparabilis in Geometriâ viri viderem si non obteri, saltem apud Geometriæ non aded peritos aliquousque obscurari, certè non negligenda penitus res visa tum est, sed digna omnino quam scripto refellerem ego, cum eam non magni se facere R.P. GREGORIUS satis ostenderet; vt omnibus in eam qui inciderent, fieret manifestum, iniuriâ minimè ferendâ, hominis tam bene de Geometriâ meriti incomparabiles labores, tam indignis modis contemni, ac veluti dilacerari.

Illud tamen vacillantem me, dubitantemque an responsione digna res esset, planè à sententiâ reuocauit, quod cum Geometricæ cuiusdam Propositionis mentionem faceret, à quâ tamen stabilimentum omne, qualiscumque Censura illa petère videbatur, satis officio meo facturus mihi viderer in causâ Geometricâ, si illa ipsa tantummodo, prout expetitur, solueretur: stare enim sic suum honorem videbam Quadraturæ Circuli, quam R.P. GREGORIUS A S^{to}. VINCENTIO, publici iuris fecit, cum aliam nullam difficultatem ad rem quæ faceret, hoc est Geometricam, in eâ rectè percipiendâ, sibi Mersennus conqueratur obuolutam.

Operæ pretium tamen erit Censoris verba his attexere, vt quam parum Geometricè concepta sit & expressa, in ipso vestibulo, æquus Lector intelligat.

Quam libro Reflexionum Physico-mathematicarum inseruit. Pág. 72.

A nostris autem Phenomenis editis, conatus ingens in inueniendâ Circuli Quadraturâ, labore improbo impensus est, & decem libris explicatus, quo Proportionalitates nouo modo deducuntur: quippe non solum rationes similes, sed etiam dissimiles inter se comparat. At verò cum neque dederit Quadraturam eo modo quo solet à Geometris expectari, cum in eâ exhibendâ, longè quam ipsa Quadratura difficiliora supponat, vel postulet; neque meminerit vllatenus Geometriæ per Indiuisibilia Eruditissimi Bonauentura Cavalieri, quandoquidem primus illam per Indiuisibilia methodum edidit, qui tamen illi præluxisse videtur, nostris Geometris displicuit. Qui præterea nonnihil in illo opere requirunt, vel arguunt; idq; præsertim quod cum Opus suum Quadraturæ Circuli specioso, superbog, titulo insignierit, nihil tamen quod ad rem faciat, præter id quod eâ in re hætenus inuentum est, protulerit. Quippe in illud abijt necdum solutum Problema, quodq; forsitan longè difficiliorẽ quam ipsa Quadratura solutionem requirit: Datis tribus quibuscumq; magnitudinibus, rationalibus, vel irrationalibus, datisq; duarum ex illis Logarithmis, tertia Logarithmum Geometricè inuenire.

Hæc R. P. MARINI MERSENNI sententia, totidem expressa verbis, hoc est singulis, & omnibus. Contemni quidem poterant omnia, quæ tota Censurâ continentur, imò & contemnuntur à peritis: silere tamen omnino, non videbatur consultum; saltem ad Geometrica responsum oportuit, cum inter multos versetur hodie, quibus silentium ipsum, erroris deprehensi videtur esse, tacita quidem, sed indubitata confessio.

Conabimur igitur ad Problema Propositum respondere, illudq; supplere quod ad absolutam circuli dimensionem Merseennus deesse suspicabatur: & hac occasione quorundam dubiis faciemus satis, quibus aliquæ propositiones Quadraturam spectantes, obscuriores visæ sunt.

PARS PRIMA.

Expenditur, determinatur, & soluitur legitime determinatum

PROBLEMA

Propositum à R. P. Marino Merfeno Minimo.

Datis tribus quibuscumq; magnitudinibus rationalibus vel irrationalibus, datisque duarum ex illis Logarithmis, tertiæ Logarithmum Geometricè inuenire.

Logarithmorum ea conditio cum sit, vt non nisi seriei magnitudinum continuè proportionalium ritè affigantur, proinde postulat Problema præsens, vt, si exposita sit quæuis series continuè proportionalium A, B, C, D, &c. in eaque assumantur quæuis magnitudines A & C, quarum Logarithmi sint dati, assumatur autem quæuis magnitudo L, Geometricè determinetur, quota sit L magnitudo in ea serie quantitatum in continuâ ratione constitutarum, in quâ sunt magnitudines A & C: determineturque præterea quota & illa: sint in eadem serie. Hoc certe si præstiterimus solutum erit quod proponebatur.

Verum illud expendendum est imprimis, an Problema prout propositum est vniuersim, & illimitatè, rectè problematis nomine inditari possit: nam si ad id ad id esse quodam in casu demonstrauero, euicero certè, non rectè neque Geometricè fuisse propositum.

$$\frac{A}{B} = \frac{C}{D} = \frac{L}{L}$$

Vt igitur clarè procedamus, percipiamurque, exponatur series aliqua quantitatum quæ sint in eadem analogia A, B, C, supponamusque eam progressionem vtriusque prompteri, scilicet per diminutionem quantitatum in terminis D, E, &c. & per incrementum eiusdem seriei per terminos F, G, &c. exponaturque quæuis quantitas L. De hac magnitudine L plura queri possunt, ac illud imprimis

Primb. An illa sit vnà è numero magnitudinum quæ sunt in progressionem seriei expositæ rationis G ad F, siue an ratio G ad L sit aliquoties multiplicata, v.g. triplicata, quintuplicata, centuplicata rationis G ad F, aut F ad G, si L maior sit quam G.

Secundò. An aliæ series magnitudinum possint exhiberi, quæ singulas harum quantitatum quæ sunt in serie A, B, C, aut G, F, A, &c. contineant, sic vt ratio A ad B. item B ad C, &c. sit duplicata, quintuplicata, centuplicata, &c. rationis quam habet prima ad secundam alterius seriei intermediae.


Tertiò. An posito quod quantitas L non contineatur in serie A, B, C, possit ea reperiri in aliâ quâdam serie progressionum, quæ totam A, B, C, D seriem dicto modo complectatur.

Quartò. An posito quod quantitas L, in vnâ serie progressionum harum exhiberi possit, in omni serie Propositâ possit reperiri, si ita multiplicetur numerus serierum in infinitum, vt posterior semper includat superiores.

A 3

Ex

CONFIRMATIONES




Ex quibus omnibus fiet manifestum, quod si datae sint A & C quantitates, earumque Logarithmi, & tertia item data sit L, quae in serie nulla esse possit in qua sunt A & C quantitates, quantumcumque series illa extendatur aut diuidatur aut multiplicetur (quod fieri posse demonstrabitur) non posse in hoc casu inueniri Logarithmum quantitatis L, ac propterea male propositum esse Problema. Atque ex hoc ipso limitationem inueniemus, quae constringi Problema debuerat, sicque in ordinem redactum ad Geometricam constructionem reuocabimus, quod nullis videbatur legibus posse coerceri.

Vt autem hisce quæsitis Geometrico rigore faceremus satis, potissima doctrina Partis quartæ l. 7. de Hyperbola, ex Opere Geometrico R. P. Gregorij, repetenda hîc foret; fundamenta enim doctrinæ quæ Logarithmos complectitur inibi continentur. Sed quia nimis longum id foret, statui tres quatuorve Propositiones hisce inferere, quæ instituto nostro faciant satis. Demonstrationem ipsam non apponimus breuitatis gratiâ, propositionem ipsam exposuisse contenti ut quibus ipsum Opus Geometricum R. P. Gregorij ad manum non fuerit, intelligant nihilominus quænam isthic veritas proponatur; sicque demonstrationes nostræ, in quibus illæ citabuntur, clariores euadent, manifestiorque fiet veritas.

PROPOSITIO PRIMA.

Data quauis serie linearû AB, AC, AD, AE, AF, AG, &c. quæ eandem rationem continent AB ad AC, erigantur ad angulos rectos lineæ AG punctis G, F, E, D, C, B aliæ rectæ nimirum GN, FM, EL, DK, CJ, BH, quæ sint in eadem ratione cum lineis AB, AC, AD, AE, AF, AG.

Dico puncta H, I, K, L, M, N, &c. esse ad Hyperbolam cuius asymptoti sunt AV, AG, quæ ad rectos angulos sibi inuicem eriguntur.



Demonstratio.

Patet ex 198. lib. de Hyperbola. omnia enim reſſangula AH, AI, AK, AL, AM, AN æqualia sunt.

Corol-


Corollarium.

DAta igitur serie continuè proportionalium linearum O, P, Q, R, S, T, &c. datisque lineis AV, AG angulum quemcumque continetibus facile in lineâ AG inueniuntur puncta B, C, D, E, F, G, &c. è quibus educatæ BH, CI, DK, EL, &c. æquales quidem lineis O, P, Q, &c. singulæ singulis, parallelæ autem ad AV, terminentur ad eandem Hyperbolam, cuius asymptoti sint AV, AG. nam si sumantur è lineâ AV rectæ, quæ sint æquales, T, S, R, Q, P, O. scilicet $\alpha\beta$, $\alpha\gamma$, $\alpha\delta$, $\alpha\lambda$, $\alpha\theta$, &c. Deinde lineâ quæuis AG assumatur quæ diuisa sit secundum eandem rationem, secundum quam diuisa est AV in β , γ , δ , λ , θ , ex punctis autem β , γ , δ , λ , θ ponantur æquidistantes rectæ AG, similiter ex punctis B, C, D, E, F, G erigantur lineæ quæ æquidistant AV, concursus harum parallelarum assignabunt puncta Hyperbolica H, I, K, L, M, N: eruntque HB, IC, KD, LE, MF, NG, æquales rectis Q, P, Q, R, S, T.

PROPOSITIO II.

EAdem figurâ assumptâ, sint rursus AV, AG asymptoti hyperbolæ. HIKN: & ponantur BH, CI, GN parallelæ asymptoto AV, auferentes quadam segmenta hyperbolica HBCI, ICGN.

Dico quod ratio HB ad IC toties multiplicet rationem IC ad NG, quoties superficies HBCI, (quam commoditatis gratiâ deinceps vocabimus superficiem HC) continet superficiem IG; aut contra siue quod idem est. Dico quod ratio HB ad IC toties multiplicata sit rationis IC ad NG, quoties superficies HC continet superficiem IG, aut contra.



Demonstrationem vide l. 7. de Hyperb. Prop. 125. & 129. Operis Geometrici.

PROPOSITIO III.

Idem positis:


Si lineæ HB, IC, KD, LE, MF, NG, &c. siue quod in idem recidit si lineæ AB, AC, AD, AE, AF, AG, &c. continuè proportionales fuerint.

Dico superficies omnes hyperbolicas HC, CK, KE, EM, MG, &c. æquales esse. Et si superficies hyperbolicæ per lineas HB, IC, KD, &c. asymptoto

asymptoto AV parallelas determinatæ, æquales fuerint inter se, dico omnes lineas HB, IC, KD, LE, &c. item & omnes lineas AB, AC, AD, AE, &c. continuè proportionales esse.

Demonstrationem habes l. 7. de Hyperb. Prop. 130. sequiturque ex præcedente

Scholion.



Sed quorsum hæc inquires? ambages non quæro, ad Logarithmos te duco, licet valde disparata videantur hæc à scopo nostro, breuiter igitur eam doctrinam, Logarithmos comprehendere, sic ostendo.

Assumatur rursus eadem figura. Sitque series aliqua magnitudinum O, P, Q, S, T in continuâ analogiâ existentium, quarum Logarithmi sint 6, 7, 8, 9, 10. &c. qui quidem numeri eodem semper sese superent excessu, secundum doctrinam Logarithmicam. Assumptâ igitur quâdam hyperbola HIN, cuius asymptoti sint AV, AG, constituentur ad eam lineæ HB, IC, KD, LE, MF, NG, &c. parallelæ quidem ad asymptoton AV, æquales vero lineis O, P, Q, R, S, T singulæ singulis, quod quidem per Corr. primæ huius facile fiet. Erunt igitur per tertiam huius omnes superficies HC, CK, KE, EM, MG æquales inter se. Vnde si continuetur ratio IG ad HB, fiatque eidem proportionalis XZ, eaque per Corr. primæ huius ad eandem hyperbolam constituatur, erit & superficies XB æqualis superficiebus HC, CK, &c. vnde tota superficies hyperbolica XG eodem excessu excedit superficiem hyperbolicam HG, quo superficies hyperbolica HG superat superficiem IG; & rursus superficies hyperbolica IG eodem excessu superat superficiem KG, & sic deinceps. Vnde loco numerorum 6, 7, 8, 9, 10, 11, &c. qui erant Logarithmi magnitudinum O, P, Q, R, S, T, assumere poterimus quantitates hyperbolicas XG, HG, IG, KG, LG, MG, aut potius MG, LG, KG, IG, HG, XG. aut si hyperbolæ mentionem fieri non vis rationes MF ad NG, LE ad NG, KD ad NG, IC ad NG, HB ad NG, XZ ad NG, cum hæ quantitates, & consequenter rationes, non minus æquali sese inuicem superent excessu, quam numeri Logarithmici qui assumpti fuerunt. Quare naturam Logarithmicam cum sua terminorum continuatione & excessu, vides Hyperbolæ ad amussim accommodatam; vt iam loco numerorum, liceat has partes hyperbolicas, aut rationes dictas linearum assumere.

Vt igitur nos accingamus tandem ad solutionem illatam difficultatum, quæ initio fuere proposita, sequentes formo propositiones. Ac primam quidem, in qua exigua est difficultas, etiam hic soluere placuit, vt tota materia per hyperbolicas hæc proprietates, quas iam proposui, quasque deinceps persequimur, absolua-


PRO.

PROPOSITIO IV.

Data sit series linearum A,B,C,D,E, &c. continuata secundum rationem A ad B. Data sit insuper quævis F.

Oporteat ostendere an Exhiberi possit in serie rationis A B C utrimque si opus fuerit producta, secundum rationem maioris inæqualitatis A ad B, vel minoris B ad C.

Constructio & Demonstratio.



Sit series M G, M H, M I, M K similis seriei E, D, C, B, A: sumptisque M λ, M Z, M O, M N, quæ sint æquales E, D, C, B, A, erigantur G P, H V, I X, K β, L δ parallelæ rectæ M N, quæ concurrent cum rectis N P, O V, Y X, Z β, λ δ quæ æquidistant M L, in punctis P, V, X, β, δ: erunt hæc puncta ut dictum est ad hyperbolam, cuius asymptoti sunt M N, M L: ostendere igitur oportet an F sit in serie A, B, C, D, E, &c. hoc est in serie M N, M O, M Y, M Z, M λ. Fiat rectangulum super F (posito quod N M L angulus sit rectus) & alia recta Q, æquale M P rectangulo: sumpta deinde M S quæ sit æqualis Q, erigatur S R æqualis F parallela M N, erit punctum R ad hyperbolam P β δ, cum M R rectangulum æquale sit M V rectangulo. vel igitur punctum R est inter puncta P, & V, vel est ipsum punctum P, aut V (quod autem dico de P, aut V intellige de quibusvis duobus punctis V X vel β δ, &c.) Quod si medium est punctum R inter P, & V, igitur recta R S, hoc est F, non est assignabilis in tota serie progressionis B, C, D, E, hoc est in serie M O, M Y, M Z, M λ, &c. nam omnes quæ sequuntur V H sunt semper minores quàm sit, V H, cumque R S media ponatur inter P G, V H hinc maior est R S quam V H, & consequenter maior quavis lineâ quæ minor est quàm sit V H, quales sunt omnes X I, β K, δ L, &c. si autem continetur ratio V H ad P G ut sint proportionales V H, P G, λ π, tunc fiet processus à minore ad maiorem. quare cum recta R S minor sit quàm P G multo minor erit quàm sit λ π, &c. vnde neque recta R S hoc est F est in serie rationis V H ad P G, & P G ad λ π, &c. manifestum igitur est quod non contineatur F in serie rationis A, B, C, D, E, &c. nisi recta Q hoc est M S æqualis sit uni linearum progressionis M G ad M H.

CONFIRMATIONES.

PROPOSITIO V.

			A	B	C	D	E	
L	F	M	H	N	I	O	K	P

Sit rursus data series continuè proportionalium A, B, C, D, &c.
Dico infinitas exhiberi posse series, quarum partes sint lineæ A, B, C, D, &c. sic ut ratio A ad B sit duplicata vel triplicata vel quintuplicata, vel centuplicata, &c. rationis quam habet prima ad secundam alterius seriei exhibite.

Demonstratio.

Sint lineæ F, H, I, K mediæ inter A, B, C, D, & fiant L, M, N, O, P æquales rectis A, B, C, D, E. erunt igitur L ad M, M ad N, N ad O, hoc est A ad B, B ad C, C ad D in duplicata ratione L ad F, ac propterea A, B, C, D, &c. erunt partes seriei rationis L ad F. Sed eodem modo si ponantur mediæ inter terminos huius seriei L, F, M, H, N, &c. series hæc secunda pars erit seriei illius tertiæ, ac propterea & series A, B, C, D pars erit seriei tertiæ, cum ostensa sit esse pars secundæ. cum autem infinitæ medietates possint assignari inter duos terminos, imò & infinitæ binariæ mediæ, ternariæ, quaternariæ, &c. patet seriem A, B, C in infinitis infinitis seriebus assignari posse cuius sint pars, prout propositum erat demonstrare.

PROPOSITIO VI.

Sint A B, A C asymptoti hyperbolæ D F H, & positæ sint tres lineæ D E, F G, H C quæ æquidistant asymptoto A B auferantque superficies hyperbolicas D G & G H, ita tamen ut ratio superficiei D G ad G H, eam obtineat rationem quam latus quadrati ad suam diametrum, siue ut superficies illæ sint incommensurabiles.

Dico lineam H C non esse in vlla omnino serie in quâ reperiuntur lineæ D E & F G.

*Demonstratio.*

Si enim in aliquâ serie rationum continuè proportionalium sint tres illæ lineæ, ponantur esse in serie rationis D E ad I K, & I K ad F G; F G ad L M; L M ad N O; N O ad H C, itaque cum continuè proportionales sint D E, I K, F G, L M, N O,


Q V A D R A T V R Æ.

NO, HC. per tertiam huius erunt superficies DK, KF, FM, MN, NC inter se æquales, unde superficies DK communis est mensura superficiei DG, & GH. sed GH superficies posita erat ad superficiem DG vt quadrati latus ad eius diametrum, igitur & numero exponibile est quoties diameter quadrati, latus sui quadrati contineatur adeoque ex magnitudines sunt commensurabiles; quod est absurdum. non est igitur, HC in serie in qua reperiuntur duæ DE, FG. Quod erat demonstrandum.

P R O P O S I T I O V I I .

Sint denup vt ante AB, AC asymptoti hyperbolæ DFH; & lineæ DE, FG, HC æquidistantes asymptoto AB intercipient duas superficies DG, GH commensurabiles.

Dico DE, FG rectas esse in serie alicuius rationis, in quâ potest exhiberi recta HC.



Demonstratio.


Cum enim DG, GH superficies commensurabiles sint, communem aliquam maximam mensuram habebunt. sit ea superficies OH, determinata per lineam ON parallelam asymptoto AB; quæ tertio v.g. contineatur in superficie HG. Itaque per secundam huius ratio FG ad HC, erit triplicata rationis NO ad HC. Sed eadem superficies bis v.g. repetita mensurabat superficiem DG, igitur cum superficies DG bis contineat superficiem OH, etiam ratio DE ad FG; bis continebit rationem NO ad HC; siue quod in idem incidit, ratio DE ad FG, erit duplicata rationis NO ad HC per eandem. sed & eiusdem rationis erat ratio FG ad HC triplicata; ergo ratio DE ad FG duplicata est eius, cuius ratio FG ad HC est triplicata. Itaque cum FG linea utrique rationi communis sit, manifestum est lineam HC esse in serie rationis in qua sunt lineæ DE, FG, quod erat demonstrandum.

Et id quidem manifestius adhuc apparebit, si per Corr. primæ huius. inter DE & FG constituatur KI media proportionalis quæ ad eandem hyperbolam terminetur. Erit enim ratio DE ad IK vt NO ad HC. Item si tertio continuetur ratio eadem IK ad FG, per rationes FG ad LM, LM ad NO, & NO ad HC, erunt per tertiam huius omnes superficies DK, KF, FM, MN, NC æquales inter se, ac lineæ DE, IK, FG, LM, NO, HC ideo continuè proportionales. manifestum igitur est iterum DE, FG lineas esse in serie in qua est HC, & quidem in serie rationis NO ad HC, siue DE ad IK, quod erat demonstrandum.

PROPOSITIO VIII.

Positis AB, BC hyperbolæ DFH asymptotis; vni eorum constituentur æquidistantes rectæ DE, FG, HC, continentes segmenta commensurabilia DG, GH.

Oporteat horum segmentorum communem maximam mensuram exhibere.

*Constructio & Demonstratio.*

Posatur minor esse ratio DE ad FG, quam FG ad HC (nam si eadem sit ratio, erunt superficies ambæ æquales per tertiam huius) minor itaque erit superficies DG quam superficies GH per secundam huius. Continuatur ratio DE ad FG quoties potest, intra terminos DE & HC, scilicet faciendo ut DE ad FG, sic FG ad IK, IK ad LM, LM ad HC, idque per Corr. primæ huius. quod si tandem aliqua LM est ad HC ut DE ad FG, tunc superficies ipsa DG est mensura maxima quæ seipsam metitur & superficiem GH, cum omnes superficies DG, GI, IM, MH æquales sint per tertiam huius.

Quod si verò ratio DE ad FG quantum potest continuata per rationes FG ad IK, IK ad LM inter terminos DE & HC, relinquat rationem LM ad HC minorem quam sit ratio DE ad FG (maiores enim relinquere non potest, alioquin non esset series rationum DE ad FG continuata quoties continuari potest intra dictos terminos, quod est contra suppositum) tunc utendo praxi qua Euclid. lib. 10. prop. 3. inuenit communem mensuram maximam duarum quantitatum commensurabilium, ratio LM ad HC quæ quidem minor est ratione DE ad FG, auferatur quoties potest à ratione DE ad FG, donec relinquat rationem NO ad FG: quæ si æqualis fuerit rationi LM ad HC, erit inuenta superficies NG communis maxima mensura. quod si rursus ratio NO ad FG minor fuerit ratione LM ad HC idque semper fiat alternâ detractiōne, prout Euclides in sua constructione facit, donec tandem relinquatur aliqua vltima PQ ad HC quæ sit ut NO v.g. ad FG. Dico superficiem PC esse mensuram maximam communem superficialium DG, & GH.

Post alternas illas rationum detractiōnes manserint tandem rationes vltimæ æquales NO ad FG, & PQ ad HC. Cum itaque ratio LM ad PQ multiplicet rationem NO ad FG, sic ut numeris sit exponibile quoties ratio LM ad PQ multiplicet rationem NO ad FG, erit quoque numeris exponibile quoties ratio

tio LM ad HC multiplicet rationem PQ ad HC . Sed rursus numeris erat exponibile quoties ratio DE ad NO multiplicaret rationem LM ad HC ; igitur & numeris exponi potest, quoties ratio DE ad NO multiplicet rationem PQ ad HC . itaq; cū ratio NO ad FG æqualis sit rationi PQ ad HC ex supposito, etiam in numeris exponetur, quoties ratio DE ad FG multiplicet rationem PQ ad HC . igitur exponi potest per numeros, quoties superficies DG contineat superficiem QH , per secundam huius; ac propterea superficies QH metitur superficiem DG . Iam vero quoniam superficies FK, KL, LQ æquales sunt singulę superficiem DG per tertiam huius, cum ex constr. ratio DE ad FG continuata sit per rationes FG ad IK, IK ad LM, LM ad PQ ; etiam ergo superficies QH metitur totam superficiem GP : sed & superficies QH metitur seipsam, igitur superficies QH , totam superficiem GH metitur. Quod erat primo demonstrandum.

Quod autem superficies QH sit maxima mensura superficierum DG, GH , si quidem ostendetur. Si enim superficies QH non sit maxima communis mensura, ponatur si fieri potest maior superficies SH , determinata per lineam SR asymptoto BA parallelam, quæ vtramque commensuret. Igitur superficies HS aliquoties repetita commensurat superficiem GH , vti & superficiem DG . sed & DG superficies aliquoties repetita metiebatur superficiem GL per secundam huius, (nam ex constr. ratio DE ad FG aliquoties continuata, faciebat rationem FG ad LM) igitur & HS superficies commensurat superficiem GL . sed & eadem superficies HS mensurabat superficiem GH , igitur eadē superficies HS aliquoties repetita, mensurat superficiem MH . Sed ratio LM ad HC aliquoties repetita constituebat rationem DE ad NO , igitur per secundam huius, superficies H aliquoties repetita mensurat superficiem DO . Sed eadem superficies HS mensurabat quoque totam superficiem DG ; igitur etiam superficies HS mensurabit superficiem NG , hoc est ex constr. & secunda huius, superficiem HQ , maior minorem, quod est absurdum. Non igitur aliā quam HQ superficies est communis maxima mensura superficierum DG, GH , quod secundo loco demonstratum oportuit.

Corollarium primum.


EX his facillè intelliges idem esse petere mensuram maximam communem superficierum DG & GH , quod petere rationem aliquam PQ v.g. ad HC , cuius rationes DE ad FG , & FG ad HC sint aliquoties multiplicatæ.

Corollarium secundum.

Hinc etiam manifestum est, quod si ratio nulla reperiri possit per alternam illam rationum detractionem, cuius vtraque ratio DE ad FG , & FG ad HC sit aliquoties multiplicata, superficies DG, GH esse incommensurabiles.


PROPOSITIO IX.

Atā serie progressionis A, B, C, D , & quavis magnitudine F , quæ non sit in serie rationis A, B, C, D . determinandum est an in vllā serie possit reperiri F , cuius seriei pars sit series A, B, C, D .

*Constructio & Demonstratio.*

Constituatur rectæ GH, GI ad angulos rectos, fiatque vt B ad A, ita GL ad GN: ex punctis autem L & N erigantur LK & NM æquales quidem aut proportionales lineis A & B, parallelæ verò ad GH, erunt per primam huius K, M puncta ad hyperbolam cuius asymptoti sunt HG, GI. denique fiat vt F ad A, ita GL ad GI, erectæque IO æquali ipsi F, aut certè quæ ad KL eandem rationem habeat quam F ad KL, parallelæ autem sit ad GH, erit & O punctum ad eandem hyperbolam.

Dico si superficies KN commensurabilis est superficiei NO, quod F sit in aliqua serierum in quâ tota series A, B, C, D constitui potest vt pars. Si verò superficies KN, NO incommensurabiles sint, in illo casu linea F in nulla serierum inueniri poterit in qua sit series A, B, C, D vt pars. Quod quidem ex præcedentibus est manifestum. Demonstrauimus enim Prop. 7. cum superficies KN, NO commensurabiles sunt, rectas KL, MN esse in aliqua serierum in qua possit exhiberi F, cum verò duæ illæ superficies incommensurabiles sunt inter se, tunc etiam ostensum est Prop. 6. quod magnitudo OI numquam possit exhiberi in vllâ serierum quæ seriem A, B, C, D contineat. Dedimus autem proximè Prop. 8. & in Coroll. secundo quomodo inuestigari debeat an superficies KN commensurabilis sit superficiei NO. determinatū est igitur an F sit in vlla serie reperiibile in qua erit assignare seriem A, B, C, D, quod erat faciendum.

Scholion.

Admiracione certè dignum videtur, quod datâ progressionē seriei A, B, C, D, & magnitudine aliqua F, quidd ea quantitas talis esse possit, vt nescio quo facto, exclusa sit non solum à serie A, B, C, D, sed vt etiam ita excludatur vt in nulla serie inueniri possit, quæ seriem A B C D complectatur vt partē. Nam termini illi A & B, non solum assignari possunt in serie rationis A & B, sed & in serie rationis, cuius ratio A ad B erit duplicata, triplicata, centuplicata, millicuplicata & sic in infinitum per Prop. 5. huius. nam inter A & B, & B, & C, interferi possunt G & H mediæ proportionales, tunc alia series orietur A, G, B, H, C, I, D rationis A ad G, cuius rationis ratio A ad B erit duplicata: item interferi possunt inter A & B duæ mediæ K & L, itē inter B & C duæ mediæ M & N, & tunc orietur series A, K, L, B, M, N, C, & c. rationis A ad K, cuius ratio A ad B erit triplicata, & sic in infinitum atque


atque aded stupendum planè quod Geometra sibi persuadere cogatur, dari posse lineam, aliquam determinatam, cui in numero linearum infinities infinitarum in serie continuè proportionalium, dari non possit linea æqualis, etiam si per totam æternitatem in seriebus semper nouis & nouis eam requisieris, modò prior series semper sit pars nouæ seriei cum tamen per interpositas medias semper ad datam F magis & magis accedatur. Nihilominus rigor Geometricus, hunc assensum à Geometrà extorquet.

Atque hinc patet vterius non rectè à Merfeno fuisse propositum, *Datis tribus magnitudinibus, datisq; duarum Logarithmis, tertia Logarithmum Geometricè inuenire*; planeque contra naturam Logarithmorum id peti, quod absolute semper exhiberi non potest. nam cum Logarithmi seriem continuè proportionalium semper supponant, neque quantitibus affigantur, nisi iis quæ aliquem in aliqua serie locum obtinent, certè perperam petetur Logarithmus eius quantitatis, quæ in nullâ serie esse potest in qua sunt duæ quantitates datæ, quarum Logarithmi sunt dati, talem autem posse esse quantitatem tertiam datam satis superque iam est demonstratum.

Vt igitur legitimo modo propositum sit Problema, conuenienterque ad Logarithmorum naturam & exigentiam, sic illud determinare debuisset, quomodo sequenti propositione determinamus, determinatumque ex dictis soluimus.


PROPOSITIO X.

Datis tribus magnitudinibus ABC quæ in vnâ eademque serie continuè proportionalium exhiberi possunt, datisq; duarum è tribus magnitudinibus Logarithmis, scilicet A & B, tertiæ C Logarithmum Geometricè assignare.



Constructio et Demonstratio.

Quoniam rationes A B & B C supponuntur esse in vnâ eademq; serie, igitur potest aliqua ratio exhiberi quæ aliquoties per seipsam multiplicata, producat rationem A ad B, & præterea aliquoties etiam per seipsam multiplicata constituat rationem B C; hoc enim proprium est duabus rationibus quæ in eadem serie sunt constitutæ. Inueniatur itaque per octauam propositionem talis ratio, quæ verbi gratia dicatur esse eadem cum ratione M N ad L F: eâ habitâ, inquiratur quoties ratio A ad B multiplicet rationem M N ad L F: item quoties ratio B ad C multiplicet eandem rationem M N ad L F: erit itaque vt numerus qui designat quoties



partes æquales. Quantum igitur requiritur, nempe in numeris interuallum, quodd interiacet inter Logarithmū B & C: quod quidem hac ratione exhibebitur. Fiat vt numerus partium in quas diuisa est superficies GK, hoc est 2, ad numerum partium in quas diuisa est superficies IF, hoc est 4, ita differentia Logarithmorum 6, & 10, quæ est 4, ad quartum numerū scilicet 8, & diuidatur differentia Logarithmorum A & B, vt est diuisa superficies GK, nempe bifariam in casu nostro, & Logarithmus medius inter 6, & 10, repertus sit 8, habebiturque series Logarithmorum, in quo reperitur Logarithmus qui requiritur, nimirum 18. Nam si diuidatur differentia inter 10, & 18, quæ est 8, secundum numerum 4, quem exhibuit diuisio superficiei IF in quatuor partes æquales, inuenietur quodd Logarithmus qui quarto loco subsequitur Logarithmum seriei 8 ad 10, qui est 18, sit ille qui postulatus fuit. Solutum igitur est Problema, &c.

LECTORI BENEVOLO.



Abes hic, Erudite Lector, solutionem Problematis à R.P. Marino Merfeno propositi; quod quidem Quadraturâ ipsâ difficiliorem solutionem requirere suspicabatur, & cuius solutione exhibita ipsius quoque quadraturæ solutionem Geometricè expeditam facebatur. vides autem quàm exactè petitioni eius factum sit satis, cum & casus, in quo Problema erat *adjuvatus*, determinatus iam sit, designatumque præterea quo casu solui potuerit, ac tandem legitime propositum, Geometricè, quod petebatur fuerit expeditum.

Fortè quidem non adeo ineptè, nesciet quis cui vsui Problema illud esse possit prout proponitur, ad Dimensionem Circuli absoluendam; verùm vt vt sit, cum id à Geometris, postulari testetur Censor, operæ pretium existimaui me facturum, si votis eorum hac in parte facerè satis. Nam quamuis ad Quadraturam exhibendam cuiquam videri posset minùs conducere, nec admodum in rem nostram facere hoc modo quæ petitur solutio, digna tamen fuit quæ Geometricè expeditur, præsertim cum sine dubio multorum ingenia torserit id quod quodam in casu, sed iam à nobis determinato, prorsus erat *adjuvatus*. Id ipsum verò cum non nisi ex doctrinâ quam subtilissimo Opere suo Geometrico exposuerat R.P. Gregorius, fuerit deductum, seminaque inibi iam essent facta, ex quibus solutio etiam illius Problematis, solutique demonstratio poterat, imò debebat fortassis educi, in competenti iam est, nihil etiam ex hac parte defuisse Operi illi prorsus admirando, quod ad perfectam, absolutamque Quadraturæ dimensionem requirebatur. Atque hoc modo Geometricum quod fuit in Censurâ illâ, quodque vnicui videbatur responsione dignum, Geometricè expediuius.

Ad cetera Censuræ verba quamuis non desit quod respondeam, operæ pretium tamen visum non fuit: quis rerum æstimatoribus quidquam reponere, apud quos præclarissimi Geometrarum fama cuiusmodi nubeculis obscurari minime potest: præsertim cum D. Gregorius Nyssenum disertè eleganterque proclamantem audiant, *Dedecus esse viri prudenti, non sanè conuiuium audire, sed ea qua dicuntur conuiuiis retorquere*. Quod si in prudentem virum cadere non posse iudicet verbis vt altercetur, verèque verba tantum vt reponat, certè id longè à Religioso homine alienum esse debere potiori iure iudicauit ego, iudicantque illi quorum etiam natus obseruo, cum non sine aliquâ charitatis Religiosæ immutatione & dispendio, id ipsum præstari possit, quantumcumque modestè eiusmodi dicta exagitantur.

Adde, quod cum Geometrica sit hæc res, Geometricæque tantum debuerit expediti, mearum partium planè non sit, imò nec Geometrarum vllius, leges à Geometriâ præscriptas vel ad latus vnguem transilire; hoc est, quidquam præter veritatis propositionem, propositæque demonstrationem adferre. Dudum iam nobis limites illos præstantissimus, Antiquitatique notus Geometra Serenus præstitutos esse docuit Præfat. ad Lib. Primum. *Absurdum enim, inquit, omnino videtur Geometras de Problemate Geometrico sine demonstratione quidquam affirmare: oratio enim probabilis, & sine vilo artificio, à Geometriâ alienissima est*. Qua propter, ne & ego limitibus illos transgrediar, perperamque multa de Problemate Geometrico sine demonstratione vllâ affirmantem videar insectari, superfedendum mihi fuit labori illi neque quidquam in defensionem R.P. Gregorij visum esse apponere, cum eum tam luculentè copioseque ipsa propugnet, imò & à iudicio Merfenniano planissime absoluat, vt iam vidimus, quæ Geometris omnibus venerationi esse debet, Antiquitas.

Antiquiorum verò vestigijs inhaerere, demonstrationibusque verè Geometricis rem vrgere cum sibi propositum semper habuerit Auctor, nihil admodum mouetur dictis illis extra rem, hoc est, præter meram Geometriam quæ sunt. *Non enim potest, vt rectè Seneca, generosus animus contumeliam pati: nec sanè pati censendus est, qui non mouetur, neque rectè quidquam pati columnam suâ mole statum*

tem

tem quis exultauit, si leui perstringatur afflatu, inconcussa cum sit. Manet inconcussa veritas si verbis tantummodo impetatur, præsertim cum apud veritatis indagatores ingeruntur, eaque in causâ, in qua non tam dicentis auctoritas, quàm diætorum dilucida exactaque demonstratio, momentum omne pondusque solent adferre, imò assensum, etiam inuitis, extorquere.

Verùm auctoritate etiam agendum si foret; plurima ad manum sunt Geometrarum encomia, quibus præstantissimum virum extulere iam pridem, quæque non ex Hispaniâ modo, Italiâ, Germaniâ, Angliâ, Daniâ, imò & ex ipsâ Galliâ; ab Opere euulgata, perquam honorifica perscribere; eaque his etiam longo apparatu possem inserere, si id viri de se suisque rebus modestissimè sentientis pateretur modestia, insignisque quàm præ se tulit semper; animi submissio.

Neque quis mihi succenseat, auctoritatem ipsius viri tam benè de Geometriâ meriti, hac etiam in causâ, auctoritate si certandum est, auctoritati si opposuero. Certè viris est qui à quinquaginta fere annis indefatigabili planè studio, constantiaque prorsus admirandâ Geometriæ semper incubuit: in Belgio, Austriâ, Bohemiâ, Romæ à multis iam annis celebratus: Geometriam non scribendo tantùm sed & docendo ita prouexit, vt discipuli eius non Louanij modò sed & Dolæ, Monasterij, Pragæ, Græci, Madriti aliisque locis Mathematicas disciplinas cum laude docuerint, partim doceant etiam hoc tempore: interim modestus adeò, vt cum eum Archimedes alterum alij, alij Apollonium, Magnum Geometram alij litteris inscriptis, & non immeritò passim compellent; id ipsum non sine rubore perlegat; quodque mirandum magis, nequidem illi vt succenseat, qui, vt nonnumquam fit, calculo quantumuis nigro immerentem designarit:

Sed quid hæc assero, cum res ipsa clamer tacente me? Certè Proportionalitatum liber, vt alium nullum exhibuisset Auctor, eiusmodi visus est summis viris, eosque morus animorum excitauit, vt non tantùm subtilissimi Geometrarum ingenij prorsus obstupuerint, sed & plurimum ei Geometriam ipsam debere ingenue professi sint sæpius, utpote qui illius limites, nouam quasi inauditamque efformando Geometriam, tantopere prouexerit. Cui enim hætenus in mentem venit de rationibus similibus dissimilibusque perinde disputare, rationumque quinimo rationes, etiam maximè inter se dissidentium, comparare, reducere, augere, detruncare? Id certè ausu ingenti, parique felicitate aggressus est R. P. Gregorius quod alius nemo, Proportionalitatesque primus hoc modo Geometricè exposuit, deduxit, complanauit. Quæ certè eiusmodi rerum Geometricarum æstimatoribus visa iam sunt, vt inter præclara huius sæculi inuenta merito collocarent, iudicarentque inuidiam ipsam viro gloriam detrahere si cupiat, nequidquam cupere.

Quid alia memorem, quæ toto Opere passim occurrunt præclarissima ingenij monumenta, quæque Antiquitati nihil quidem detrahunt, at nihil cedunt? Certò Progressiones Geometricæ, etiam in infinitum excurrentes, ad Geometricum ab ipso redactæ sunt rigore, terminisque quod mirere, etiam conclusæ. Varia ex vario Planorum in Plana ductu nouæque effinguntur corpora, explanantur, cubantur quin imò plurima, pleraque verò ad corpora reducuntur quæ notam habeant basim, altitudinemque notam. Stupendam illam Parabolæ cum Archimedæâ Spirali symbolizationem exprimit, quam primus Geometra hîc adinuenit, & ab annis quatuor & viginti diu tamen antè à se inuentam cum summo Geometrarum applausu Romæ exposuit, quod disertis tunc hac de re conscriptis litteris, testimoniisque planum facere possum cum opus fuerit: dilucidè autem demonstrat, nullam prorsus ab Archimede Pappoque proprietatem quantumuis abstrusam Spirali competere, (competunt autem planè admirandæ) quæ non suo modo Parabolæ accommodetur: adè vt Spiralem Archimedæam meriti quæ dixerit Parabolam esse euolutam. Vngulæ seu segmenti cuiusdam cylindrici cubatione, imò & superficiæ tam exoticæ, vt quæ tota semicirculo semiellipsique clauditur, aream quadrando determinat; imò Vngulæ huius, quod mirabuntur Geometrar, cum Sphærâ symmetriam, omnimodamque concordiam primus exponit. Sphæroidium, Conoridium item Parabolicorum, Hyperbolicorumque proprie-

tates præcipuas aperit. Varijs expeditisque modis Parabolam quadrat, imò & Hyperbolam ipsam intactam hæcenus indomitamque figuram in Quadrum cogit. luculentissimas, abstrusissimasque Conorum & Conicarum sectionum (taceo Circulorum, triangulorum, rectangulorum, linearumque) proprietates inuenit, demonstrat, ac demum è Cono suo in quo hæcenus delituerant, detractas, ad plana deducit, vereque Geometricis terminis tandem concludit. Conicarum vero sectionum doctrinam, abstrusam hæcenus, & non nisi summis Geometris peruiam, exponit adeò dilucidè, vt nullo negotio sine vllò Apollonij adminiculo, à quouis Geometrâ, non minùs quam ipsa Euclidis elementa percipi rectè possint. Quæ certè omnia eiusmodi quouis æquus arbiter esse iudicabit, vt cum summis quibusuis componi possint: & licèt talia esse non agnoscat fortassis vnus aliquis, tota certè admiratura isthæc est retro posteritas, gratulabiturque huic æuo talem quod tulerit Geometram, quem Antiquitas ipsa, etiam si Quadraturam circuli non attigisset quidem, non immeritò suum vellet.

Et in his omnibus, quòd magis stupeas ne Propositionem quidem vnica ex alienis quasi hortulis studio excerpserit, (excerpsit autem admodum paucas) quàm non immutatâ demonstratione, aut si Problema foret etiam constructione variatâ, propriam fecerit: easque tum quoque laudato Auctoris nomine, Auctori acceptas fèrat. Studio, inquam, si excerpserit: nam vt limitatum hominis ingenium non est, ita plures in eandem veritatem incurrere potuisse, non negamus. Lege, si placet, quid Pag. 221. ingenuè profiteatur, vbi se in Sereni speculationem incidisse vidit: sed ingenuè nimis, cum plurima isthic sint à Sereno non propòsita, omnia verò aliter demonstrata. Item Lib. 2. ad Prop. 36. cum eam propositionem à Clauio expolitam, alio tamen quàm ipse modo expeditisset, disertis verbis asserit suam non esse, sed exercitij gratiâ à se solutam. tum subdit: *Neque enim propositionem statui meum lucubrationibus interfecere, quàm diuersi discursus demonstratione meam non fecero, vel Auctoris nomen in publicum non protulero.* Ne propositionem quidem vnica etiam à se aliter demonstratam, ab alio propòsita modo sit, sine Auctoris nomine protrudere se velle ait: absit igitur, vt religiosissimum virum dolo malo quis suspicetur nomen illius suppressurum, si ita etiam per vmbra se haberet res, qui ei nouam speculandi materiam suggerendo, faciem ad Quadraturæ adyta referenda prætulisset. Non alienis indiget fulcris qui mole stat suâ; neque alienis sese plumis putidè exornare debet is, cui domi est non curta suppellex, quæ plura etiam volumina posset exornare, quemque vita citius quam nouæ in Geometriâ veritates, nouaque elucubrandi materia deficient. Quod si ex vngue Leo dignoscitur faciliè ex tali opere felicissima P. Gregorij in exhausta quæ venâ diudicabitur.

Hæc verò quæ publici iuris iam fecit tanta cum sint, tamque varia, non mirabitur quis in tantam molem Opus hoc excreuisse, cum singulæ, quas paulo antè recensui, materiæ, iustum Volumen sic quasi solitariè editæ constituere potuissent, etiam si ad Quadraturas Circuli nullo modo fuissent directæ. Quid autem nocuit simul edi? certè argentea aureaq; suppellex vno in atrio coniunctè & ex arte disposita, maiorem intuentibus admirationem ingerit, quàm si per partes distracta, varijsque in conclauibus videnda proponantur.

Rursus autem quomodo materiæ illæ hæcenus intactæ, aut obscurius saltem propòsitæ Quadraturis rectè adhiberentur, sic vt Lectorum animis nondum satis imbutis plenè satisfacerent, nisi earum natura penitus esset euoluta; enucleatæque propòsitæ? id autem nullo modo fieri potuisset, nisi multarum propòsitionum quasi farragine confarcirentur libri singuli. Præambulum quod Libro secundò præmittit Auctor si placet inspicere, illic consilij sui rationem dat. sic habet. *Præfatus liber, quem de Progressionibus scribimus; omnino necessarius est ad sternendam viam, quam inimus Circulo ad quadratum reducendo. Non ita tamen hoc velim intelligas, vt omnes omnino Propositiones, quæ in toto eius decursu reperiuntur, ad eum finem requiri credas, sed quod sine vsu huius libri, quoad partes maximè principales, difficulter ad scopum peruenire quis possit: exigebat autem huius Libri argumentum, ad doctrinam for-*

nam velleuter concinnari, & cognatis materiis exornari, ne solum imperfectum edere-
mus. Idem de sequentibus Libri iudicium ferre dignabere.

Vt clarius tamen facti rationem exponam, dicam omnia. Geometris scribeban-
tur hæc, quibus non sola Quadratura circuli orexin mouet aut explet. alia nam-
que habet Opus hoc, Dimensione Circuli haud inferiora, vt non semel à multis
iam annis vir in Geometricis expeditissimus Christophorus Grienbergerus So-
cietatis Iesu, publicè ore litterisq; Romæ professus est: quæ præterquam
quòd ad Quadraturam manu deducerent, & quasi viam aperirent, non mino-
rem ipsa plausum, quàm Quadratura merebantur, cum ea planè forent ipsius
tunc quidem iudicio, nunc autem & plurimorum qui sine partium studio rem;
prout est, diiudicant, quæ cum Antiquorum omnium elucubrationibus poterant
comparari.

Iam verò quis merito id ægrè ferre potest, Quadraturæ circuli nomen Operi
tam admirando fuisse præfixum? Quadraturam certè si dederit, non poterat id
sanè modestioribus explicari verbis; imò sat dignis exponi vocibus haudqua-
quam potest. Eam se dedisse Auctor, cum Opus ederet, planè iudicabat, iudi-
catque etiam nunc, imò magis quotidie confirmatur in sententiâ, quidquid ali-
qui fortasse secus, nescio quo scrupulo, sentiant. Vt quid ergo non planè loque-
retur, vt quid distorquendo verba, nimiumque molliendo sententiam, insinua-
ret dubitare se, quasi causæ suæ vilo modo diffideret?

Quòd si verò etiam theorematice tantum Dimensionem Circuli absoluisset, ne-
tum quidem quidquam foret, quod elatiorem esse libri titulum quis posset crimi-
nari. Certè Theorema suum Archimedes, quod tribus omnino propositionibus
expediuit, Dimensionem Circuli siue Quadraturam indigitauit. neque quisquam
id ei à totâ antiquitate vitio vertit. Potuit itaque tres illas propositiones, quæ
elegantissimæ licet sint, solum Theorema continebant Dimensionem Circuli in-
scribere Archimedes, non poterit verò R.P. Gregorius subtilissimam illam, tot-
que implicatam propositionibus demonstrandi viam, quæ veluti Ariadnæ filo
Theus alter labyrinthum ad eò intricatam ingressus est, impeditasque semitas
labore improbo, conatuque plusquam Herculeo explicuit, felicitate autem sum-
mâ cuius aperuit, eam inquam non poterit prætenso Quadraturæ titulo Geome-
tris porrigere, ac veluti in manus dare?

Vt videret, Quadraturamque problematicè non dedisset Auctor, scio ego
sciuntque rem qui excussere, ipsam Quadraturam inuestigandæ rationem, maio-
rem apud Geometras admirationem excitasse, quàm ipsa, Archimedæ insisten-
do viæ, exhibitio Quadraturæ potuisset exprimere; maioremque apud Iudices
non præoccupatos partium studio, sibi vt Geometræ subtilissimi famam, existi-
mationemque peperisse, hac methodo quadraturam quod indagaret, quam quod
inuenerit. inueniri eam potuisse non mirantur Geometræ; hæc verò viâ tam in-
auditâ, numquamque expectatâ quæri quod potuerit, id enim verò nemo est qui
non obtuiscat. Delectationi etiam summæ est Geometris videre, aliâ ex parte
emeruisse veritatem hanc, quæ in Geometrix latebat fundo, quàm aliâ expecta-
bant emerfuram. sic nescio quid iucunditatis afferat, alio effodi thesaurum loco,
inueniri que gemmam, quæ alio prorsus, irritò studio nequidquam quære-
batur.

Quod si quid interim occurrerit alicui minùs quod placeat minùsque quod
faciat satis, iudicium certè Geometricum non declinat Auctor; Geometricum
modo verè id sit. Vt enim se hominem nouit, ita & nihil humani à se alienum pu-
tat. orat quingimo vt scripto typis edito, agitetur potius discutiaturque res, quàm
vt tacito murmure, per hominum ora volitet nescio quæ fama obscurior, quæ li-
cet non euertat, obnubilat tamen apud horum ignaros, aut apud eos quibus non
vacat singula discutere, obscuratque famam celeberrimi Geometræ. Quòd si
quis typorum difficultatem refugiat, litteris certè scriptis, commodissimè confi-
ci res tota potest. sufficit autem Geometræ esse, vt gratissimæ sint acceptissi-
mæque, cuiuscumque demum etiam ignoti P. Gregorio litteræ, noui enim hu-

manitatem facilitatemque viri, fortassis sepulebitur sic magis ipsa veritas, elucidabiturque si quid obscurius, ut in re nouâ fieri assolet, occurrerit; pluraque eo pacto in lucem fortasse venient, quæ in fundo ignorantia, non sine Geometriæ detrimento latuissent. Verùm Geometricè, si placet, agatur res, per nudas veritatum propositiones, demonstrationesque; neque pluribus opus est, ubi veritas sola inquiritur.

Quod si error detegatur, tantum abest ut odium paritura sit Veritas, quod quidem apud inanis gloriæ futiles captatores, vanoque locum habet, ut gratias etiam amplissimas Benefactori suo acturus, habiturusque sit Auctor: cum enim summum malum quod intellectui potest obtingere, sit error, certè errorem detexisse, quod planè eum sanæ menti est detraxisse, non potest non summum esse beneficium. atque ita apud æquos Veritatis indagatores, æstimatoresque, Veritas amicitiam parit.



P A R S

PARS SECVNDA

Quâ Propositionum 5. 6. 7. 8. 12. & 54.

Quæ Lib. 10. Operis Geometrici

R. P. GREGORII A S^o. VINCENTIO

CONTINENTVR

GENVINVS SENSVS DECLARATVR.

P R Æ F A T I O.



Votundam ingenia, qui pro studio quo in Quadraturam Circuli ferebantur, sedulo eam & Geometricè examinare voluerunt, veritatemque propositionum, ad calculos reuocare, torserunt Propositiones quædam, quæ in Libro 10. Operis GEOMETRICI R. P. GREGORII occurrere; erant quas modò præfixi, 5. 6. 7. 8. 12. & 54. Quadraturarum ut ita loquar fundamenta & bases. Quæ quidem, ut non dissimulem quod res est, breuissimæ quod sint, obscuriores sunt, neque aded ad percipiendum faciles; & tamen eiusmodi, ut si vel minimum ab eorum mente deflectas, natæ sint in errores hæud contemnendos Lectorum animos abducere, prout id nonnullis Geometris reipsâ accidisse comperio. Sed quomodo Auctori in mentem incidisse poterat, non eò modo intelligendas propositiones suas, quem earum natura fetret, aut verborum sensus naturæ rationum, de quibus agitur, accommodatus?

Visum itaque fuit, te esse eum obicem tollere, remque ipsam subtilitate suâ sanè difficilem, & distorto veritatis sensu maleque percepto magis intricatam, quoad in me erit, paucis complanare, ne cuiquam hac ex parte posthac iniiciatur mora. Neque id à me præsertim attentari quisquam miretur, ægrève ferat: nam licet Auctor ipse materias illas fusiùs elegantiusque alio quod molitur, ut dixi, volumine, suscepit explicandas, non videbatur tamen diutius expectandum; præsertim cum hæc sese occasio commodum obtulisset, satisfaciendi eorum desiderio, quibus hæc in parte aliquid, præter data, requiri videbatur.

Pro-

Prodromus erit itaque tractatus hic, & quasi prælusio venturi Operis. Omnium verò quæ deinceps dicturus sum sensum, ex ore Auctoris accepi, & sæpius quidem non vno tempore, nec vno modo data opera ab eo expressum; quem ut percipere mihi visus sum, tum denique prout mihi quidem videbantur intelligenda, exposui. Quæ, si Lectori Beneuolo arriserint, dubiisque si fecerint satis, id certè Auctori ipsi acceptum referat: obscuriora verò si forsan fuerint, id mihi omnino adscribi volo, ut qui rem subtilissimam, calamo saltem exprimere, non usque adeò feliciter potuerim. Fortassis tamen erit qui me intelligat. Propositionem verò ipsam, quàm unicam pono, si quis primà fronte non perceperit, Corollaria ipsa sedulo peruestiget, & tum demum patebit feliciter res fuerit euoluta. Rem itaque prout possumus, ordiamur.

Atque à Propositione quintâ & sextâ in quibus prima, imò ut patebit, vnica erat difficultas, auspicemur.

Prop. 5. ita se habet. *Data sit ratio A ad quamvis aliam quantitatem diuisam in B & C. Dico quod ratio A ad B excedat rationem A ad BC, ratione C ad B.* Propositio verò 6. hanc destruere videtur, quæ sic se habet. *Isdem positus. Dico rationem A ad BC aequari rationi A ad B, minus ratione C ad A.*

In his verò propositionibus cum contradictio primà fronte appareret, Scholion benè longum adiectum est, in quo & sensus earum exponitur, & contradictio declaratur. Verùm cum & illud obscurius adhuc visum sit aliquibus, Propositiones has duas, aut potiùs unicam, nam reuerà in idem incidunt ut mox apparebit, hìc exponimus Propositione unicâ, positamque demonstramus: deinde per Corollaria, ex hac unicâ propositione deducta, rem totam explicamus. Ex quibus liquido apparebit, quorundam dubia, quæ deinceps exponentur, ex distorto tantùm huius veritatis sensu ortum duxisse; propositionemque ipsam, alium quàm hìc eliciamus sensum, habere non debuisse, imò nec potuisse secundùm mentem Auctoris.

P R O P O S I T I O.

Data sit quævis ratio A ad B C, cuius consequens diuifum fit in B & C.

Dico quod ratio A ad B excedat rationem A ad B C, aliquo excessu rationis, quem determinat ratio C ad B, collata ad rationem B C ad B.

A	
12	
B	C
2	4

Aut vt alijs quidem verbis, fed in idem recidentibus, vt ar.

Dico rationem A ad B excedere rationem A ad B C aliquo rationis excessu, qui ad rationem maiorem A ad B, fit vt excessus rationis quo ratio B C ad B excedit rationem B ad B, fcilicet vt ratio C ad B est ad rationem B C ad B.

Demonſtratio.

Ratio A ad B est ad rationem A ad B C, vt B C linea est ad B, per 7. de Proportionalitatibus P. Gregor. fed vt B C est ad B, ita est ratio B C ad A, ad rationem B ad A, per 2. eiusdem: igitur vt est ratio A ad B ad rationem A ad B C, ita est ratio B C ad A, ad rationem B ad A. Sed ratio B C ad A, superat rationem B ad A, ficut B C superat B, colligitur id ex 114. eiusdem: igitur etiam ratio A ad B, superat rationem A ad B C, ficut B C superat B. fed B C superat B excessu C qui fit v.g. duarum tertiarum totius B C: igitur etiam ratio A ad B superat rationem A ad B C excessu qui fit duarum tertiarum rationis A ad B. Sed duæ tertię rationis B C ad B sunt ratio C ad B: igitur ratio A ad B superat rationem A ad B C ratione aliquâ, quæ fit ad rationem A ad B, prout ratio C ad B est ad rationem B C ad B. Quod erat demonſtrandum.

Corollarium primum.

Hinc patet primò quomodo errent ij, qui in numeris examinare propositionem hanc dum volunt, hoc modò procedunt.

Sit, inquiunt, A 12, B C verò hoc est 6 diuifum in B quod fit 2, & C quod fit 4. Ratio A ad B est ſextupla vt 12 ad 2: ratio verò A ad B C est dupla vt 12 ad 6. Exceſſus autem rationis ſextuplæ ſuper duplâ est ratio quadrupla, & tamen in propoſitione iam dicitur quod exceſſus fit ratio C ad B, hoc est 4 ad 2 quæ est dupla, igitur ratio dupla & quadrupla, eadem ſunt rationes. quod manifeſte falſum est.

A	
12	
B	C
2	4

Et hanc quidem tam liquidam demonſtrationem putant, quàm vlla in Geometria dari poſſit. Verùm manifeſtè oftendit ſe propoſitionem hanc penitus non percipere quiſquis eam hoc modo numeris applicat, ac propterea nullo modo mirum est tam apertam falſitatem ex eâ perperam intellectâ deduci. Primò enim incommodè rationem A ad B comparatam cum ratione A ad B C vocant ſextuplam comparatam cum duplâ. Deinde falſum ſupponunt dum dicunt exceſſum quo ratio A ad B excedit rationem A ad B C eſſe rationem quadruplam. Primum iam deduco, ſecundum Coroll. ſequenti exponam.

Imprimis diſcrimen eſt in modo exponendi rationes A ad B, & A ad B C ſi ſumantur abſolutè, & ſi reſpectiue ad ſeſe inuicem comparatæ accipiantur. Abſolutè enim loquendo ratio A ad B, ſi ad nullam rationem reſpectum dicat, eſt

D ratio

CONFIRMATIONES

A	
12	
B	C
2	4

ratio sextupla: hoc est numeri 6 & 1 sunt minimi numeri quibus ratio A ad B exponi potest; vti & ratio A ad BC eodem sensu est dupla; & tamen si relativè sumantur hæ rationes ad se invicem, sunt vt tripla ad simplam. cum enim ratio A ad B ad rationem A ad BC sit vt BC ad B per 7. de Proportionalibus hoc est vt 6 ad 2, siue vt 3 ad 1, clarum est rationem

A ad BC non bene exponi per rationem sextuplam ad duplam, nam hæ ipsa ratio sextupla ad duplam, adhuc in minoribus terminis exponi potest, scilicet quod sit vt tripla ad simplam. Reducatur itaque hæc ratio 12 ad 2 ad minimos terminos, prodibitque ratio 6 ad 1. item ratio 12 ad 6, reducatur ad minimos terminos, quorum antecedens sit etiam 6, prodibitque ratio 6 ad 3. erit itaque ratio A ad B ad A ad BC vt $\frac{6}{3}$ ad $\frac{6}{3}$; apparebitque quod illæ rationes ad minimos numeros reductæ, sint vt 3 ad 1. hoc est vt ratio tripla ad simplam.

E	
30	
D	
24	
B	C
2	4

Manifestius autem apparebit discrimen inter duas has expositiones rationum, si loco A assumatur quævis D 24, aut E 30. remanentibus B & C. nam rursus ratio D ad B collata cum ratione D ad BC, aut ratio E ad B collata cum ratione E ad BC, est vt C B ad B per 7. libri de Proportionalitatibus. quapropter semper est ratio tripla collata cum simpla;

& tamen si absolutè sumantur, ratio D ad B est ratio duodecupla; ratio vero D ad BC est ratio quadrupla; vti & ratio E ad B est ratio quindecupla, ratio vero E ad BC, est ratio quintupla si absolutè sumantur, nã vt sic, minoribus numeris, eæ rationes exponi non possunt. Reducantur autè hæ rationes ad numeros minimos cõmune habentes antecedens, vt relativè inter se comparatæ, possint exponi iuxta sensum Propositionis 7. de Proportionalibus. erit ratio D ad B quidem vt 12 ad 1, & ratio D ad BC vt 12 ad 3; quare cum 1 sit commune antecedens, erunt ad se invicem hæ rationes vt 3 ad 1. Et rursus rationes E ad B, & E ad BC reducantur ad numeros minimos qui commune habeant antecedens, prodibuntque rationes 15 ad 1, & 15 ad 3; quæ rationes cum rursus inter se sint vt 3 ad 1, pater rursus rationem E B comparatam ad rationem E ad BC esse rationem triplam comparatam cum simpla.

Nihil ergo inauditum aut mirum supponit discrimen illud quod statuimus in expositione rationum absolutè aut respectivè sumptarum, si rectè percipiatur, nam id etiam locum habet, quando inter se comparantur rationes quæ commune habent consequens, quomodo communiter hæcenus rationes inter se fuerunt comparatæ. Sitenim ratio L ad N, & ratio M

L	M
12	6
N	
1	

ad N; ratio L ad N est duodecupla absolutè sumpta, vti & ratio M ad N est sextupla: nam ratio L ad N solitariè sumpta minoribus numeris explicari non potest, quam per 12 ad 1, & ratio M ad N non minoribus quam per 6 ad 1. & tamen si comparetur ratio L ad N ad rationem

M ad N, hoc est si rationem quàm habet 12 ad 6 ad minimos terminos reducere velis, dicetur quod ratio L ad N ad rationem M ad N, sit ratio dupla comparata cum simpla siue vt 2 ad 1. Eodem modo, ratio quidem A ad B est

A	
12	
B	C
2	4

sextupla, & ratio A ad B C est dupla absolutè sumpta, sed quando inter se conferuntur, eaque sic collatas minimis numeris exponere vis, non rectè dices esse rationem sextuplam & duplam; non enim illi sunt numeri minimi, in quibus exponi possunt rationes dictæ, nam sextupla

sextupla & dupla cùm rursus inter se sint vt 6 ad 2, minoribus adhuc numeris cõ-
modius exponi possunt & debent, dicendo quodd sint vt 3 ad 1: Quid autem hæc
expositio, reductioque ad minimos terminos commodi afferat mox apparebit.

Atque hoc est mysterium, quodd Lib. 10. Operis Geomet. Prop. 6. in Scholio as-
sumptum fuit; quod fufius explicare opere pretium duxi, ne quis latebras putidæ
isthic quæstas fortasse suspicetur.

Corollarium secundum.

Patet secundò manifestè excessum ipsum
quo ratio A ad B superat rationem A ad
B C, quem dixit Prop. 5. esse C ad B, etiam
non esse absolutum, sed respectuum; adeo-
que errare planè eos qui putant excessum
quo ratio A ad B superat rationem A ad
B C esse rationem quadruplam,

E
30
D
24

Cùm enim ratio C ad B non tantùm ex-
cessus sit rationis A ad B supra rationem A
ad B C, sed & rationis D ad B supra rationem
D ad B C, imò & excessus cuiuscumque
demum E ad eandem B, supra rationem B
ad eandem B C; ratio autem C ad B si ab-
solute sumatur semper sit dupla, cuiam vmquam vel leuissimè Geometricis tin-
cto in mentem venire posset, quodd ratio A ad B superet rationem A ad B C ex-
cessu C ad B; item quodd ratio D ad B superet rationem D ad B C, denique & ra-
tionem E ad B superare rationem E ad B C eodem excessu; ac propterea rationes
A ad B vel D ad B aut E ad B superare eodem planè excessu absoluto, rationes A
ad B C, vel D ad B C, aut E ad B C, singulas singulas: quodd tamè dici deberet si ex-
cessus C ad B absolute sumatur. Id autem quàm turpe foret suspicari à Geometrà
subtilissimo pronuntiatum esse, res ipsa clamat, cùm falsitatis à minimo quoque
Geometrà argui possit.

A
12
B
2
C
4

Longè aliter intelligenda hæc sunt, prout in Scholio ad Prop. 6. Lib. 10. Operis
Geomet. rectè sunt exposita: quæ si cui obscuriora videantur, hic expono intelli-
genda qui sunt, prout ea perceperunt ij quinodum in scirpo non quærent.

Dico igitur, iuxta demonstrata, rationem A ad
B superare rationem A ad B C excessu rationis
quam determinat ratio C ad B non qualiscum-
que, sed collata cum ratione C B ad B, vt asserit
5. Prop. lib. 10. aut vt 6. eiusdem, quam determinat
ratio C ad A relata ad rationem B C ad A: nam re-
uera hæc duæ propositiones, aded sibi contrariæ
non sunt, vt sint planè identicæ; cùm ratio C ad A ad rationem B C ad A, item
ratio C ad B ad rationem B C ad B, sint vt C ad B C per 2. l. de Proportional. cùm
consequens singulæ binariæ rationes commune habeant.

A
12
B
2
C
4

Itaque vt clariùs adhuc loquar, si tot partes rationis auferantur à ratione A ad
B, quot partes rationis C B ad B aufert ratio C ad B, relinquetur tandem aliqua
ratio quæ æqualis sit rationi A ad B C.

In numeris id sic declaratur. Ratio B C ad B sit vt 3 ad 1; & quia ratio A ad B
collata cum ratione A ad B C est vt B C ad B, erit etiam ratio A ad B ad rationem
A ad B C vt 3 ad 1, seu vt tripla ad simplam. excessus autem quo B C superat B est
C, hoc est 4, cum C positum sit 4 & B 2. itaque C est ad B vt 2 ad 1. Iam vero cum
ratio C ad B conferri debeat cum ratione B C ad B, hoc est dupla cum triplâ, au-
feret ratio C ad B duas tertias rationis B C ad B: adeoque & excessus quo ratio A
ad B superat rationem A ad B C, erunt duæ tertiæ rationis A ad B.

Non igitur excessus rationis A ad B super rationem A ad B C est ratio quadru-
pla vt illi volebant, sed sunt quatuor partes rationis A ad B hoc est sextuplæ, quæ
æquales sunt duabus tertijs rationis triplæ.

Corollarium tertium.

			E	
			30	
H				
10				
			D	
			24	
G				
8				
			A	
			12	
F		B	C	
4		2	4	

B, hoc est 4 ad 2; item ex ratione D ad B remanebit ratio G ad B, hoc est 8 ad 2; & ex ratione E ad B remanebit ratio H ad B hoc est 10 ad 2, quæ æquales erunt rationibus A ad B & vel D ad B, aut E ad B singulæ singulis, vt consideranti clarè patet.

		I	
		12	
M			
3			
K	L		
2	6		

Quod si aliud exemplum exercitij causa placeat: sit ratio I ad K L vt 12 ad 8: sit autem K L diuisum in K 2, & L 6. ratio igitur I ad K ad rationem I ad K L est vt K L ad K, hoc est vt 8 ad 2, siue vt quadrupla ad simplam: excessus autem K L super K est L, 6. ratio autem L ad K siue 3 ad 1, continet tres quartas rationis K L ad K. excessus itaque rationis I ad K super rationem I ad K L, sunt tres quartæ rationis I ad K. itaque auferantur à ratione I ad K tres quartæ, quod fiet si ab I antecedente auferantur tres quartæ scilicet 9, remanebitque M 3, adeoque & ratio M ad K 3 ad 2 quæ æqualis est rationi 12 ad 8.

Corollarium quartum.

		A	
		12	
D	E		F
4		8	
	B	C	
	2	4	

Atque ex hoc Patet quarto eodem modo decrefcere rationem A ad B, per ablationem factam ab ipso antecedente A, sicut decrefcit per additionem factam ad B consequens: adeoque hæc duo in idem planè recidere, modo in additione ad consequens, & in ablatione ab antecedente, aut contra, proportio feruetur: quod quidem fiet si A ita diuidatur in DE & EF, vt B C diuisum est in B & C, aut contra. Nam sicut si à ratione A ad B auferas duas tertias, quod fiet si A ita diuidatur in E, vt EF sint duæ tertie totius A, remanebit ratio DE ad B, æqualis rationi A ad B C; ita si ad B addas C duplum ipsius B, sic vt C sint duæ tertie totius BC, erit ratio A ad B per additionem C ad consequens B, diminuta duabus tertijs rationis A ad B. nam ratio A ad B C, per additionem ipsius C, æqualis fit rationi DE ad B, quæ duabus tertijs minor est ratione D F ad B hoc est A ad B: eodem modo sicut ratio D F seu A ad B, per ablationem duarum tertijs totius D F, scilicet per ablationem EF, redditur diminuta duabus tertijs rationis D F seu A ad B, remanet enim ratio D E ad B.

Tota

Tota itaque hîc diminutio rationis, fit per simplicem additionem ad terminû consequentem; quod bene notandum est; nam per additionem ad antecedens, augmentatio fit rationum. quo modo enim additur ratio $\frac{4}{6}$ ad $\frac{2}{6}$, nisi augendo 6 per 4 manente consequente inuariato vt fiat $\frac{2}{10}$; eodem modo fiet diminutio rationum, aut diminuendo antecedens, aut certè vt hiè fit, per simplicem additionem ad consequens, manente inuariato antecedente.

Atque hæc est doctrina 5. & 6. Prop. l. 10. Operis Geom. quam demonstratiuè certam esse nemb negauerit. Neque quis dicat in terminis sic non fuisse propositam, nam præterquam quod mox in Scholio mentem suam Auctor ipse satis explicaret, alium sensum Propositiones ipsæ admittere non poterant, vti demonstratio ipsa satis indicabat: neque propositiones sese inuicem vt videbatur destruentes, sed reipsa idem dicentes simul iungere, in vllum Geometram, ne dicam in P. Gregorium vniquam cadere potuisset, nisi studio id ipsum fecisset ad explicandam fufius iutricatam rem; quod sanè luculenter in Scholio mox præstitit.

Libet tamen ostendere propositionem etiam vt iacet non aliter debuiffe intelligi. Cum enim rationum $\frac{A}{B}$ $\frac{C}{B}$ A ad B, & A ad B C denominatores sint C B, & B, non poterat excessum istarû rationû determinare, nisi per excessû denominatoris B C super denominatorem B; excessus autè erat C. Iâ verò cû excessus ille C sit antecedens rationis C ad B, illius nempè, qua ratio A ad B dicitur excedere rationem A ad B C, clarû erat referendû excessum illû ad aliquam rationem cuius pars erat ratio C ad B. illa autem ratio necessariò erat ratio C B ad B, quæ ad rationem B ad B, omnino ita se habet, vt ratio A ad B ad rationem A ad B C. Patet igitur propositionem 5. & idem est de 6. quæ eadè est, prout iacebat, non determinare excessum rationis A ad B super rationem A ad B C, nisi per excessum qui respectius est modo iam explicato, & non absolutus. Sed quia id obscurius poterat esse, idcirco adiectum Scholion, claritatis, vt dixi causâ, non necessitatis.

Verum ad alias Propositiones gradum faciamus.

Corollarium quintum.

His probè intellectis, Patet 5. nullo modo chymericam esse Prop. 7. l. 10. sed veram planeque certam ac Geometrà dignam. Ea asserit si cõsequens sit diuisum v. g. in B & C, quod ratio A ad B C, sit ratio A ad B, simul cum ratione A ad C. Patet ex dictis. nam per additionem rationis A ad C ad rationem A ad B, fit consequens B C maior: ac propterea ratio A ad B C minor est quàm ratio A ad B: & quidem eâ ratione minor, vt iam ostendimus, præc. Coroll. in quâ ratione per additionem C, accrescit consequens B. Vnde quoniam B per additionem C accreuit ad duas tertias, etiam per additionem rationis A ad C ad rationem A ad B, diminuta est ratio A ad B duabus tertijs; siquæ ratio A ad B facta est ratio D ad B; quæ ratio eadem est cum ratione A ad B C. quare cõstat assertio.

$$\begin{array}{r} \frac{A}{12} \\ \frac{D}{4} \\ \hline \frac{B}{2} \quad \frac{C}{4} \end{array}$$

Corollarium sextum.

Hinc patet sextò errare eos qui propositionem hanc numeris exponere dum volunt, veram augmentationem rationum faciunt, cum tamen fieri debeat diminutio rationum, vt propositio ritè exponatur, quod quidem ostendo. Sic enim argumentantur.

Ratio A ad B est sextupla, ratio verò A ad C est tripla: tripla autem addita sextuple facit noncuplam & tamen vti patet ratio A ad B C est dupla; chymericû igitur, inquiunt, est dicerè, quod ratio A ad B C, sit ratio A ad B simul cum ratione A ad C.

Sed vt ante præmonui, errant ipsi plane in eo

$$\begin{array}{r} \frac{A}{12} \\ \frac{B}{2} \quad \frac{C}{4} \\ \hline \end{array}$$

D 3

quod

CONFIRMATIONES

A	
12	
B	C
2	4

quod rationem A ad B, & A ad C exprimant per rationes $\frac{12}{2}$ & $\frac{12}{4}$: nam assumunt rationes duas quæ commune consequens habet, scilicet unitatis, adduntque sibi inuicem antecedentes: additis autem antecedentibus clarum est fieri rationem aliquam maiorem, quam erat alterutra. In nostro autem casu, ratio A ad B, & ratio A ad C, commune antecedens habent, consequentia verò diuersa: quo casu, per additionem consequentium diminuta redditur alterutra ratio, imò utraque solitariè sumpta.

Cùm itaque rationes A ad B, & A ad C ad numeros minimos reducere volunt (quod faciunt quando rationem A ad B vocat sextuplam & rationem A ad C vocant triplam) ut rectè stet exemplum in numeris, prout indicaui in Coroll. 1. reducatur ratio A ad B ad numeros minimos, eritque ut 6 ad 1: & ratio A ad C reducatur ad numeros minimos, quos patitur antecedens 6, prouenietque ratio 6 ad 2. addantur autem duæ consequentes 1 & 2 prouenient 3, fietque ratio 6 ad 3, qualis est ratio A ad BC, 12 ad 6.

Quodd sane verum est: neque ego quidquam hic chymericum, imò ne abstrusum quidem agnosco, nisi fortè quod diminutio rationum quæ fit per additionem consequentium, ignota multis cùm fuerit, occasionem dederit coniungendi rationem sextuplam cum triplâ per additionem antecedentium. non aduerterint autem hic non fieri augmentationem rationum quæ fit per additionem antecedentium, sed veram esse diminutionem rationum, quæ fit per consequentium additionem, qualem requirit propositio.

Corollarium septimum.

A		B	
10		8	
C	D		
2	6		

Hinc rursus Patet septimò rectè etiam propositam esse Prop. 8. lib. 10. Operis Geom. quâ dicitur, quod quando rationis A B ad C D tam antecedens quàm consequens diuisum est in quotcumque, antecedens quidem v.g. in A & B, consequens vero in C & D, quod ratio A B ad C D, sit ratio A ad C, & A ad D, simul cum rationibus B ad C, & B ad D.

Ratio enim A ad C, simul cum ratione A ad D (per quam diminuitur ratio A ad C) est ratio A ad C D, uti iam ostensum est: item ratio B ad C, simul cum ratione B ad D (per quam diminuitur ratio B ad C) est ratio B ad C D, sed ratio A ad C D, adiuncta rationi B ad C D æquatur rationi A B ad C D, cum utraque ratio idem habeat consequens: igitur ratio A B ad C D, est ratio A ad C, cum ratione A ad D, vna cum rationibus B ad C & B ad D, quod erat demonstrandum.

In numeris id experiri si placer, operare hoc modo. A est ad C vt 5. ad 1, & A est ad D vt 5. ad 3. reducendæ enim sunt rationes illæ ad numeros minimos qui commune habeant antecedens ut ante dixi. Itaque coniunge iam consequentes, 1 & 3, exurgent 4, & ratio A ad C D erit vt 5. ad 4. Item B est ad C vt 4. ad 1 & B est ad D vt 4. ad 3 nam & illæ rationes reducendæ sunt ad numeros minimos commune habentes antecedens: adde, 1 & 3, fient 4, & ratio B ad C D erit vt 4. ad 4. Iam vero quoniam rationes 5. ad 4, & 5. ad 4. commune habent consequens scilicet 4, addantur antecedentes 5. & 4, exurgent 9, rationesque sic sibi inuicem additæ erunt vt 9. ad 4, quæ eadem plane ratio est cum ratione A B ad C D, 18. ad 8.

Ex his omnibus itaque concludo, rem planam esse & apertam, totamque difficultatem ex modo loquendi minus commode exsurgere, & postea per operationem erroneam intricari. Volunt enim rationes quæ commune habent antecedens, tum quando inter se comparantur vocare rationem triplam & sextuplam, &c. cum tamen tripla & sextupla commune habeant antecedens, ac propterea, quid mirum in earum additione errari, cum antecedentes sibi addi non debeant consequentes inuariato, ut fit in additione verâ per quam fit augmentatio rationis, sed consequentes sibi inuicem iungendi sunt antecedente inuariato, ut per eam additionem fiat diminutio rationis.

Quomodo ergo vocanda erit, inquires, ratio 12. ad 2, comparatâ cum ratione 12. ad 4? Certe non potest dici sextupla comparata cum triplâ, si in minimis numeris eam comparationem exprimere vis; nam ratio 12. ad 2. ad. rationem 12. ad 4. est vt 4. ad 2, vocandaque esset dupla comparata cum simplâ. Aduerte tamen quod licet ratio 12. ad 2. comparata ad rationem 12. ad 4, vocetur ratio dupla comparata cum simplâ, si tamen rationem 12. ad 2. addere vis rationi 12. ad 4, ac propterea rationem 12. ad 2. reddere diminutam duabus tertijs, non possis duplam rationem addere simplâ, nam tunc sic stabit exemplum $\frac{1}{2}$ & $\frac{1}{4}$, antecedentesque erunt diuersæ & consequens commune; additisque antecedentibus augebitur ratio. verum redigi debet prior ratio ad minimos terminos vt 12. ad 2, ad rationem 6. ad 1; secunda verò ad minimos terminos quos patitur idem antecedens. 6; sicque demum stabit exemplum $\frac{1}{2} \div \frac{1}{4}$ addanturque consequentes, sient 3, & prodibit ratio 6. ad 3, qualis est 12. ad 6, quæ diminuta est duabus tertijs rationes 12. ad 2.

Corollarium octauum.

A	I	B	E	L	F
1	3	4	12		
C	K	D	G	M	H
2	4	8	16		

EX hoc Patet 8. veritas Prop. 54. Operis Geomet. l. 10. qua dicitur, si dentur duæ rationes A B ad C D, & E F ad G H, quarum tam antecedentes quàm consequentes diuisæ sint in quorcumque A I, I B; C K, K D; E L, L F; G M, M H; rationem. A B ad C D. esse ad rationem E F ad G H, vt rationes A I ad C K, A I ad K D, I B ad C K, I B ad K D simul sumptæ, sunt ad rationes E L ad G M, E L ad M H, L F ad G M, L F ad M H simul sumptas. Patet inquam, quia, rationes quatuor primæ simul sumptæ, siue sibi inuicem additæ eo modo quo dictum est in cor. 7. sunt ipsissima ratio siue constituunt ipsam rationem A B ad C D; similiter ex rationibus, quatuor secundis sibi additis eodem modo constituitur ipsissima ratio E F ad G H.

Atque ex hoc & corollarium eiusdem propositionis fit manifestum, quod sic se habet:

Si rationum A B ad C D, & E F ad G H partes eadem aut similes rationes fuerint (in idem enim incidit rationes esse similes & easdem vt patet ex l. 8. de Proportional in opere Geom) tum totæ rationes eadem aut similes erunt. Hoc est si ratio v.g. A I ad C K similis sit rationi E L ad G M, item ratio A I ad K D similis rationi E L ad M H, rursus ratio I B ad C K similis rationi L F ad G M; denique & ratio I B ad K D, similis rationi L F ad M H, etiam tota ratio A B ad C D similis erit rationi E F ad G H, patet ex præcedenti. Atque sic complanata est difficultas quæ in 2, 3, & 4. Quadratura posset occurrere.

Corollarium nonum.

$$\frac{A}{F} \quad \frac{B}{G}$$

$$\frac{L}{Q} \quad \frac{M}{R}$$

$$\frac{C}{H} \quad \frac{D}{I}$$

$$\frac{N}{S} \quad \frac{O}{T}$$

EX Prop. 8. l. 10. Oper. Geom. explicatâ & intellectâ prout eam intelligimus hîc in Corrol. 7. Patet 9. quomodo intelligenda sit, & quomodo verum sensum habeat Prop. 12. lib. 10. Oper. Geom.

In hac ostenderit Auctor in casu quē proponit, quādo scilicet sunt quatuor ordines continuē proportionaliū ABCDV, FGHIV, LMNOV, QRS

T V communem habentes vltimam V, quod ratio A ad L, sit duplicata rationis Cad N, & ratio Cad N duplicata sit rationis D ad O; item quod ratio A ad Q duplicata sit rationis Cad S, & ratio Cad S, duplicata rationis D ad T. Item ostenderit quod ratio F ad L duplicata sit rationis H ad N, & ratio H ad N duplicata rationis I ad O; denique quod ratio F ad Q duplicata sit rationis H ad S, & ratio H ad S duplicata rationis I ad T.

$$\frac{A}{L} \quad \frac{F}{Q} \quad \frac{C}{N} \quad \frac{H}{S} \quad \frac{D}{O} \quad \frac{I}{T}$$

His ita expositis & demonstratis, infert quod ratio tota A F ad L Q toties continet rationem totam C H ad N S, quoties ratio C H ad N S, continet rationem D I ad O T.

In primo cum non esset difficultas, consequentia tamen hæc vltima visa est difficilis, imò & falsa nonnullis, cum eam innumeris per operationes varias examinare volunt. Verum quid si non rectè ex operationes adhibeantur? Nam cum ex Prop. 8. lib. 10. demonstratur hæc consequentia, certè non alium sensum Prop. hæc 12. eiusque vltima consequentia quam modo posui habere potest, quam ipsa 8. Propositio requirit; alioquin frustra ea ad demonstrationem adhiberetur. Alium vero sensum illi si affingas, quis miretur in falsas consequentias, ex eâ perperam intellectâ quempiam devolui? Hic igitur genuinus eius propositionis sensus est; aliis verbis in idem recedentibus expositus:

Tota ratio quantitatum A F ad L Q constituitur ex rationibus sibi additis iuxta sensum Prop. 8. iam explicatum. Corr. 7. quæ quidem rationes toties multiplicatæ sunt rationum earum qui sibi additæ iuxta sensum Prop. 8. constituunt totam rationem quantitatis C H ad N S, quoties rationes illæ constituentes rationem C H ad N S sunt multiplicatæ rationum illarum, quæ sibi additæ iuxta sensum Prop. 8. constituunt totam rationem quantitatis D I ad O T.

Quod quidem verissimum esse demonstratur ex eadem Prop. 8. intellectâ prout eam intelligendam diximus Corr. nostro 7. Nam ratio totius A F ad L Q, constituitur ex rationibus A ad L, A ad Q, F ad L, F ad Q: item tota ratio C H ad N S constituitur ex rationibus Cad N, Cad S, H ad N, H ad S: denique tota ratio D I ad O T, constituitur ex rationibus D ad O, D ad T, I ad O, I ad T. Ostensum autem erat in casu iam posito rationem A ad L esse duplicatam rationis Cad N; rationem verò Cad N duplicatam esse rationis D ad O; item rationem A ad Q duplicatam esse rationis Cad S, & rationem Cad S duplicatam esse rationis D ad T: rursus ostensum rationem F ad L duplicatam esse rationis H ad N, rationem verò H ad N duplicatam rationis I ad O; denique rationem F ad Q duplicatam esse rationis H ad S & rationem H ad S duplicatam esse rationis I ad T. Igitur patet rationem

tionem totam A Fad L Q constitui ex rationibus toties multiplicatis rationum earum, quæ constituunt rationem totam C H ad N S, quoties ex rationes quæ constituunt rationem totam C H ad N S sunt multiplicatæ rationum, quæ constituunt rationem totam D I ad O T.

Quo posito, cum ratio A F ad L Q non differat à rationibus iis simul sumptis quæ constituunt rationem A F ad L Q per combinationem iam explicatam Corrol. 7. quæ vera est detractio simul & additio, idemque verum etiam sit in rationibus C H ad N S, & D I ad O T, patet iam quo sensu verum sit, ratione A F ad L Q toties continere rationem C H ad N S, quoties ratio C H ad N S continet rationem D I ad O T. continet nempe ratio A F ad L Q rationes eas ex quibus constituitur, quæ quidem toties multiplicatæ sunt rationum earum quas continet ratio C H ad N S & ex quibus ipsa constituitur, quoties rationes quas continet ratio C H ad N S & ex quibus constituitur, multiplicatæ sunt rationum quas continet ratio D I ad O T & ex quibus constituitur.

Corollarium decimum.

Hinc Patet to. eos falli qui existimant in hac propositione dici, aut saltem debere dici, si ratio A ad L sit duplicata rationis C ad N, & rursus si ratio F ad L sit duplicata rationis H ad N, &c. (reliquas combinationes omitto vt verbis parcam) quod etiam

A	F	C	H
L		N	
V		X	

ratio A F ad L sit futura duplicata rationis C H ad N : quod tamen nonnulli putantes sine vilo dubio, & absque controuersia in hac propositione supponi, fallum id tamen esse in numeris inueniunt. neque errant; falsum id enim verè est, patetque id sine longis ambagibus. Nam vt rationi A ad L quæ duplicata ponitur esse rationis C ad N, addatur adhuc vnâ ratio F ad L, sic vt conflatum ex illis rationibus, scilicet ex ratione A ad L & alterâ illâ ratione adiectâ, duplicatam habeat rationum C ad H & H ad N conflatarum in vnâ rationem, debeat imprimis rationes C ad N, & H ad N coalescere per multiplicationem; fiat itaque vt H ad N, ita N ad X, eruntque rationes C ad N, & H ad N sibi additæ per multiplicationem, prouenietque ratio C ad X. iam vero cum ratio F ad L posita sit duplicata rationis H ad N, hoc est N ad X, fiat vt F ad L, ita L ad V, erit & ratio L ad V duplicata rationis N ad X, totaque ratio A ad V erit duplicata rationum C ad N & H ad N sibi additarum per multiplicationem per 75. lib. de Proportional. longè autem alia est ratio A F ad L quam A ad V. Quis id ignorat qui in rationum natura aliquomodo est versatus? & id P. Gregorius non animaduertit, qui rationum scientiam aded amplificauit vt passim notum est, quique rationibus quibuscumque æquè commodè vtitur ac Euclides lineis?

Causa itaque quare istæ rationes A L ad F L additæ sibi inuicem prout vult Propof. 12. licet singulæ duplicatæ sint rationum C ad N, & H ad N, non constituunt tamen aliquam rationem A F ad L quæ sit duplicata rationis C H ad N manifesta est, quia rationes A ad L & F ad L non coalescunt per multiplicationem, sed per veram additionem; siue quia non coalescunt istæ rationes vt multiplicatæ sint rationum C ad N, & H ad N, sed vt rationes simplices sunt. Eodemque modo rationes C ad N & H ad N non coalescunt per multiplicationem, nam vt sic faciunt rationem C ad X vt iam ostensum est; coalescunt autem & rationes C ad N, & H ad N per meram additionem rationum, vt rationes simplices sunt, non autem vt multiplicantur per rationes alias. Imò vt pressius loquar nullâ operatione hic opus est, nam citra vllam additionem extrinsecam, coaluerunt iam rationes C ad N & H ad N in ratione C H ad N, quia reuera ratio C H ad N eas actu continet. idemque est in reliquis rationibus obseruandum.

Rationes porro A ad L, & F ad L licet reipsâ duplicatæ sint rationum C ad N, & H ad N singulæ singulæ, non tamen vt sic consideratæ mutationem vllam in se accipiunt; quare manet ratio A ad L, & F ad L siue considerentur in ordine

ad

ad rationes C ad N, & H ad N simpliciter vt rationes sunt, siue considerentur vt duplicata: sunt earundem. Additæ autem hæc considerantur vt simplices rationes sunt, per meram additionem; aut si consequentes etiam diuisæ sint, per meram additionem & deductionem, modo explicato Corrol. 7.

A	F	C	H	D	I	Quodd si petas
<u>L</u>			<u>N</u>		<u>O</u>	quoties ergo ratio
						AF ad L multiplicata sit rationis CH ad N; respondeo id ad hunc discursum

minimè determinari debere, nec requiri: non enim indagatur hæc ratio duorum totorum inter se, sed assumitur tertia quædam ratio D I ad O, quæ cum talis esse reperitur, vt rationes omnes eam constituentes, toties multiplicentur à rationibus constituentibus rationem C H ad N, quoties rationes hæc multiplicentur à rationibus constituentibus rationem A F ad L, inferitur quod ratio A F ad L contineat toties rationes constituentes rationem C H ad N (quæ sunt ipsissima ratio C H ad N) quoties rationes constituentes rationem C H ad N (quæ sunt ipsissima ratio C H ad N) continent rationes constituentes rationem D I ad O, quæ sunt ipsissima ratio D I ad O. Non autem id inferitur ex eo quod ratio A F ad L sit duplicata rationis C H ad N, & quia ratio C H ad N duplicata est rationis D I ad O: nam id quidem planè falsum est, nec vumquam assumptum vel per vnam in discursu P. Gregorij.

Nam ex eo quod ratio A ad L duplicata sit rationis C ad N, & ratio C ad N duplicata rationis D ad O, quid inferes quod rationi A ad L in ordine ad rationem C ad N competat, quod simul etiam competat rationi C ad N in ordine ad rationem D ad O? An quod ratio A ad L toties sit duplicata rationis C ad N, quoties ratio C ad N duplicata est rationis D ad O? hoc autem nihil planè significat. Quid enim est toties esse duplicatam rationem alterius rationis, quoties hæc altera ratio duplicata est cuiusdam tertie? Rectè tamen inferes quod ratio A ad L eo casu toties multiplicata sit rationis C ad N, quoties hæc est multiplicata rationis D ad O, quia vtræque alterius est duplicata: & quod ratio F ad L toties sit multiplicata rationis H ad N, quoties hæc est multiplicata rationis I ad O, ob eandem rationem. Quando vero dicitur quodd ratio A F ad L toties contineat rationem C H ad N, quoties hæc ratio continet rationem D I ad O, hoc non inferitur vlllo modo, ex eo quodd ratio A F ad L sit duplicata rationis C H ad N, & quod ratio C H ad N duplicata sit rationis D I ad O, sed ex eo quodd ratio A F ad L contineat tot rationes ex quibus constituitur, quæ toties multiplicatæ sunt rationum earum quas continet ratio C H ad N, & ex quibus constituitur, quoties eæ rationes quas continet ratio C H ad N, & ex quibus constituitur, multiplicatæ sunt rationum earum quas continet ratio D I ad O & ex quibus constituitur, vt iam sæpius dictum. Iuvat enim sæpius idem, & diuersis modis aliquando dixisse, vt tandem percipiatur quis sensus sit Auctoris.

Latet hæc quidem aliud quoddam mysterium, ex quo ostendere possem rationes has minimè esse posse duplicatas, & tamen verum esse quod toties sunt multiplicatæ prima secunda, quoties secunda multiplicata est tertia: sed quia longioris id esset discursus, maiorisque moliminis quàm vt libello hoc id explicari possit, visum id fuit omittere: præsertim cum Auctor ipse in deductione harum materialium, quam præ manibus habet, id luculenter sit præstiturus.

Corollarium undecimum.

<u>A</u>	<u>F</u>	<u>G</u>	<u>H</u>	<u>D</u>	<u>I</u>
<u>L</u>		<u>N</u>		<u>O</u>	

EX his Patet 11. errare rursus eos qui ex Prop. 12. putarunt sequi rationes A F ad L, C Had N, D I ad O esse rationes cōtinuè proportionales. Nā, inquit, ratio A F ad L duplicata est rationis C Had N, & ratio C Had N, duplicata rationis D I ad O. igitur rationes ex sunt continuè proportionales. Atque hoc modo rursus Propositionem 12. examinare dum volunt, inveniunt rationes A F ad L, C H ad N, D I ad O non esse continuè proportionales.

Sed quid mirum si ex errore supposito, veritatem, quam sibi Imaginantur sequi debere, non eliciant? Nam imprimis nusquam assumptum est rationem A F ad L duplicatam esse rationis C H ad N; & hanc rursus duplicatam rationis D I ad O. nam hoc falsum esse iam ostendimus.

Deinde vt hoc assumeretur, tamen minimè sequeretur rationes eas esse continuè proportionales. Quod quidem in numeris prius ostendo, deinde id ipsum Geometricè demonstraturus.

Suppono ex l. de Proportionalitatibus P. Gregorij, si tres continuè proportionales rationes exhibitæ fuerint, rationem mediam in se ductam, idem producere, quod ratio prima ducta in tertiam.

Sit iam A, B, C, D, E ordo quinque proportionalium. Ratio A ad E duplicata est rationis C ad E: ratio autem C ad E duplicata est rationis D ad E, non tamen idèd rationes A ad E, C ad E, D ad E continuè proportionales erunt, quod sic patet.

Fiat vt C ad E, ita E ad F; tunc ratio C ad E ducta in se producet rationem

64	32	16	8	4	2	1
A	B	C	D	E	G	F

 C ad F. Item ducatur ratio D ad E in rationem A ad E siue fiat vt D ad E ita E ad G; prodibitque ratio A ad G, hoc est B ad F. patet autem rationem B ad F eandem non esse cum ratione C ad F. non igitur sunt rationes A ad E & C ad E, deinde D ad E proportionales, quamvis duplicata sit ratio A ad E rationis C ad E; quemadmodum hæc ipsa ratio C ad E, est duplicata rationis D ad E.

Confirmabitur hoc ipsum simili ferè discursu. Ponantur denuò quā-

<u>A</u>	<u>B</u>	<u>C</u>	<u>D</u>	<u>E</u>
----------	----------	----------	----------	----------

titates A, B, C, D, E continuare eandem rationem A ad B. erit itaque ratio A ad E duplicata eius quā habet C ad E: & similiter C ad E duplicata rationis D ad E. cumque habeant tres hæ rationes commune consequens erit ratio A ad E ad rationem C ad E, vt A ad C per propositionem secundam libri de Proportionalitatibus: & ob eandem causam erit ratio C ad E ad D, vt est C ad D. quia verò rationes eadem esse supponuntur propter continuationem, erit ratio A ad C duplicata rationis A ad B, hoc est duplicata C ad D. quare ratio A ad E, C ad E D ad E proportionales non sunt, cum termini A, C, D proportionales esse non possint.

F I N I S.



